



## **Forum Ecclesiasticum**

In Quo Jus Canonicum Universum, Librorum Ac Titulorum Ordine Per  
Quæstiones Et Responsa, Tam Canonistarum Veterum & Recentiorum,  
quàm Legistarum, in iis, quæ Utrique Juri, Canonico Et Civili Communia  
Sunt, Authoritate stabilita, Methodo clara & facili explanantur

**Leuren, Peter**

**Moguntiae, 1719**

Quæst. 364. Emphyteusis unde dicatur & quotupliciter sumatur.

---

[urn:nbn:de:hbz:466:1-73957](#)

locator ad custodiam domino, ita ut, si pereat apud locatorem. V.g. furto afferatur, is teneatur ad a<sup>c</sup>stimationem, etiamsi res quoque suas amiserit simul. Muller. l.c. lit. s. Sed non ex culpa etiam levissima, uti infertur ex jam dicendis, dum etiam idem esse videtur de omni alio, qui pro custodia rei alicujus mercedem accipit. Quamvis enim hunc ad praestandam exactissimam diligentiam, adeoque ad praestandam etiam culpam levissimam dicant Azor. & Muller. l.c. citentque pro hoc L. si quis fundum. §. 4. ff. b.t. L. qui mercedem. ff. eod. l. 40. & seq. b.t. l. 8. de naut. capon. dicit tamen Molin. d. 499. n. 12. quem sequitur Reiffenst. b.t. n. 88. hanc sententiam esse nimis rigidam, & in jure planè non fundatam; dum interim communis habet, univerſaliter loquendo non teneri aliquem ex contractu inito in gratiam utriusque, nisi ad sumnum ex culpa levi, non levissima, nisi aliter conventum, vel dispositio aliqua specialis (qualis in contractu custodiae non reperitur) habeat contrarium, aut etiam, ut dictum, paulo supra, res custodiae mandata v.g. propter pretiositatem exactissimam requirat diligentiam juxta s. ult. Inst. b.t. Schneidevin. ibidem. Bachov. Muller. LL. cit. Ubi vero casus acciderit materiae datæ artifici ad faciendum ex ea aliquid, vel operi ipsi jam cœpto aut confecto, an eum præstare teneatur artifex seu locans operas, an vero spectet ad dominum, de eo vide Struv. in ff. b.t. th. 23. & 25. & ibid. Muller.

*Quæst. 363. An & qualiter detur actio ex locatione & conductione?*

R Esp. Sicut ex contractu locationis datur mutua obligatio. §. unic. Inst. de oblig. quæ ex

consens. L. Labeo. ff. de V.S. Utrimque æqualis, qualis semper est, quando par est utriusque contrahentis in obligatione constituenda ratio, uti est in præsenti, ita ad prosequendum, quod ex hac obligatione mutua locator conductor & hic locatori debet, datur actio mutua, nimur locatori actio locati adversus conductorem, quā locator prosequitur rem locatam usu finito restituendam. Arg. §. 1. Inst. de a<sup>c</sup>tl. L. sicuti. §. fin. ff. l. 25. C.h. t. & quidem regulariter in specie seu numero eandem. Arg. l. 39. ff. b.t. item ad mercedem consequendam. l. 17. C. locati. uti & post mortem conductoris, aut eo durante tempore locationis sine causa deferente rem locatam ad usuras. l. 2. §. 2. ff. de usur. & l. 55. §. fin. ff. b.t. Et è contra conductori actio conductori adversus locatorem, ut re locata ut liceat, ut mercedem in totum vel pro parte remittat vel reddat, & damnum ob rem viuicam locatam illatum resarciat. Ac denique quidquid ex jure vel conventione locatorem præstat oportet, præstetur. Ad quā verò in particuliari se extendat ultra hæc actio, satis constat ex jam dictis de obligationibus utriusque locantis & locatoris in specie. Quod si conductor hac actione locati conventus rei conductor restitucionem pertinaciter (intellige sine justa causa, qualis est causa restituendi expensas, tempus locationis nondum elapsum, conductio rei propriæ ignoranter factæ) usque ad sententiam detracet, ipse tanquam rei alienæ invasor ad restituendam, & præterea in ejus a<sup>c</sup>stimationem damnetur. L. penult. C. b.t. & ibi Barbos. & Brunneman. Lauterbach. b.t. §. 116. qui tamen ex Vinnio, Christianæ & aliis ait hanc prænam hodie non ubique observari.

## CAPUT QUARTUM.

### De Emphyteusi.

*Quæst. 364. Emphyteusis unde dicatur & quotupliciter sumatur?*

1. R Esp. ad primum: Emphyteusis (de qua quia magnam habet cum locatione & conductione affinitatem, agitur quoque b.t. nimur c. 4. Gutt.) dicitur à græco εμφύτευσιν, quo implantare, inserere, & metaphorice meliorare lignificatur; quia ab initio non nisi sterilia & inculta dabantur in emphyteusis, ut emphyteutarum diligentia & labore implantationem seminationem redderentur fructifera & meliora Arg. l. 2. & 2. C. de jur. emphyt. Et quidem primus apud Romanos non nisi fundi publici seu communes, quos ipsi bello acquisiverant, ex defectu colonorum jacentes incultos aliis pro pensione colendos dare solebant. Quod postmodum secuti sunt municipia aliqui privati, fundos suos ita concedere coeperrunt. l. 1. ff. b.t. Azor. p. 3. l. 10. c. 1. quæst. 3. Carpzov. p. 2. c. 39. defens. 7. Lauterbach. ad ff. tit. si ager. vedi g. §. 5.

2. Resp. ad secundum: Sumitur trifariam: interdum pro ipso contractu emphyteuticario, quo res in emphyteusis conceditur. l. 1. C. de jur. emphyt. interdum pro re quæ conceditur. Ac denique pro jure constituto, seu quatenus est jus in re & species quædam dominii. l. 2. Cod. eod.

*Quæst. 365. Qualiter definienda emphyteusis, quatenus contractus est?*

1. R Esp. Est contractus consensualis de domino utili rei corporalis immobilis in perpetuum vel ad vitam unius vel plurium aut ad certum tempus transferendo in aliquem sub lege meliorationis & annue pensionis realis solvenda domino proprietatis in recognitionem Dominii directi. Sumitur ex l. 1. & seq. C. de jur. emphyt. & ita ferè Molin. tr. 2. de jur. & f. d. 44. in princ. Leff. l. 2. de f. f. c. 24. Laym. l. 3. tr. 4. c. 23. à num. 1. Pirh. b.t. n. 31.

2. Dixi primò: contractus: intellige nominatus specialis. Etsi enim veteres hoc genere negotii uili, tamen id non habuerunt pro proprio & speciali contractu, sed pro specie aliqua venditionis aut locationis teste Justinian. §. 3. Inst. b.t. donec Zeno Imperat. proprium ex hoc negotio contractum fecit, tribuens ei formam in esse proprii, specialis & ab omnibus aliis separati contractus. cit. §. 3. & l. 1. de jur. emphyt. ut proinde hic contractus recte dicitur juris civilis, utpote originem suam quod ad formalia, & certitudinem nactus à jure civili, nempe dicta lege Zenomiana. Muller. ad Struv. b.t. Th. 28. cum Binnio. de jur. emphyt. th. 51. An vero hic contractus sit stricti juris, adeoque omnia ei adjecta strictissime interpretanda, an

Gg 3 bonæ